

წყალტუბოს მუნიციპალიტეტის საკრებულო

გ ა ნ კ ა რ გ უ ლ ე ბ ა № __

2024 წლის __ ნოემბერი

ქ. წყალტუბო

არასამეწარმეო (არაკომერციული) იურიდიული პირის „წყალტუბოს მუნიციპალიტეტის ბავშვთა და ახალგაზრდობის ცენტრი“-ს მიერ 2024 წლის I-II კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ანგარიში, ა(ა)იპ „წყალტუბოს მუნიციპალიტეტის ბავშვთა და ახალგაზრდობის ცენტრი“-ს მიერ 2024 წლის I-II კვარტალში გაწეული მუშაობის შესახებ.

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „წყალტუბოს მუნიციპალიტეტის ბავშვთა და ახალგაზრდობის ცენტრი“-ს ანგარიში 2024 წლის I-II კვარტალში გაწეული მუშაობის შესახებ (დანართი თან ერთვის) .
2. ა(ა)იპ „წყალტუბოს მუნიციპალიტეტის ბავშვთა და ახალგაზრდობის ცენტრი“-ს მიერ 2024 წლის I-II კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრამის ქ. №11).

მომზადა:

აპარატის უფროსი

შეთანხმებულია:

განყოფილების უფროსი

კომისიის თავმჯდომარე

გელა თათარაშვილი

მაია ბერაძე

ლევან ჩანქსელიანი

ანგარიში

ა(ა)იპ „წყალტუბოს მუნიციპალიტეტის ბავშვთა და ახალგაზრდობის ცენტრის“ მიერ 2024 წლის 6 თვეში გაწეული მუშაობის შესახებ

ა(ა)იპ „წყალტუბოს მუნიციპალიტეტის ბავშვთა და ახალგაზრდობის ცენტრი“, დაფუძნებული ზოგადსაგანმანათლებლო ინტერესებზე, რომელშიც გაერთიანებულია: მოსწავლე-ახალგაზრდობის სახლი, თეიმურაზ კობახიძის სახელობის სამუსიკო სკოლა და სამხატვრო სკოლა. ა(ა)იპ „წყალტუბო მუნიციპალიტეტის ბავშვთა და ახალგაზრდობის ცენტრში“ ფუნქციონირებად ყველა წრეში სწავლებ უფასოა. ა(ა)იპ „წყალტუბოს მუნიციპალიტეტის ბავშვთა და ახალგაზრდობის ცენტრი“ ფინანსდება მუნიციპალიტეტის მიერ 100%-ით.

ცენტრის საქმიანობის ძირითადი მიზანი და მიმართულებებია: ქალაქის ახალგაზრდობის ინტელექტუალური, შემოქმედებითი, სულიერი და ფიზიკური პოტენციალის გამოვლენა. ბავშვების და ახალგაზრდების გონებრივ, ფიზიკურ, ზნეობრივ, ესთეტიკურ და სოციალურ-ემოციურ განვითარებაზე ზრუნვა, ხელოვნებასთან ზიარებით პიროვნების ინდივიდუალური, შემოქმედებით მიდრეკილებების განვითარების ხელშეწყობა, კულტურული მემკვიდრეობის შესწავლა და ამ გზით მისი შენარჩუნება, მოსწავლეებისთვის დაწყებითი სამხატვრო და სამუსიკო განათლების მიცემა. ე სწორედ ის პრიორიტეტებია, რომელსაც ეყრდნობა ჩვენი საქმიანობა.

აქვე უნდა აღინიშნოს, რომ „ბავშვთა და ახალგაზრდობის ცენტრის“ მოსწავლე-ახალგაზრდობის სახლის, სამუსიკო და სამხატვრო სკოლების მუშაობაში წარმატებულად დაინერგა მრავალფეროვანი აქტივობები: კონკურსები, გამოფენები, ფესტივალები, სასწავლო-შემოქმედებითი კონფერენციები, სპორტული შეჯიბრებები, შეხვედრები გამოჩენილ საზოგადო მოღვაწეებთან.

ა(ა)იპ „წყალტუბოს მუნიციპალიტეტის ბავშვთა და ახალგაზრდობის ცენტრში“ 2024 წლის 6 თვე დასასრულს ირიცხებოდა- 617 მოსწავლე.

ცენტრის მიზნებიდან გამომდინარე 2024 წლის 6 თვის საანგარიშო პერიოდში განხორციელდა სოციალურ-კულტურულ საგანმანათლებლო პროგრამები, სადაც მონაწილეობა მიიღო ცენტრის ჩარიცხულმა გოგონებმა - ვაჟებმა.

მოსწავლე-ახალგაზრდობის სახლი

მოსწავლე-ახალგაზრდობის სახლი ახალგაზრდობის აღზრდისა და განვითარების კომპლექსურ დაწესებულებაა, რომელიც ახორციელებს მიზნობრივ სოციალურ-კულტურულ საგანმანათლებლო პროგრამებს, მეცადინეობა მიმდინარეობს სპეციალურად შემუშავებული სასწავლო გეგმისა და პროგრამების მიხედვით. მოსწავლე-ახალგაზრდობის სახლში სწავლობს 377 მოსწავლე. 2024 წლის თვის პერიოდისათვის განხორციელდა შემდეგი ღონისძიება-კონკურსები:

1 იანვარი - საახალწლო მიუზიკლი „ბურატინოს თავგადასავალი“. მონაწილეობა მიიღო საბავშვო თეატრის მოყვარულთა წრემ; ვოკალის წრემ და ბალეტის წრემ. (ხელლი: ქ. ანდრიაძე, ხ.ბუაძე, ნ.ცერცვაძე) ს/დ „ივერია“. მონაწილეობას იღებდა 68 გოგო და 21- ბიჭი.

3 იანვარი - საქართველოს მთავრობის ადმინისტრაციის ორგანიზებით გაიმართა ღონისძიება „ახალი წლის დღეები 2024“. მონაწილეობა მიიღო ვოკალის წრემ (ხელ-ლი: ხ.ბუაძე). ს/დ „ივერიის“ მიმდებარე ტერიტორია. მონაწილეობას იღებდა 28 გოგო და 10 ბიჭი.

26-27-28 იანვარი - ბორჯომ-ბაკურიანის საქართველოს ეროვნული ფილარმონიის სამეგრელო-ზემო სვანეთის რეგიონალური ფილიალის ხელმძღვანელობით ჩატარდა ყოველწლიური ფესტივალი „ფანტაზია 2024“ რომელიც გაიმართა ბორჯომ-ბაკურიანში. მონაწილეობა მიიღო ვოკალის წრემ (ხელ-ლი: ხ.ბუაძე). მონაწილეობას იღებდა 28 გოგო და 10 ბიჭი. დაჯილდოვდნენ დიპლომი სიგელი

1 თებერვალი - წიგნის საჯარო კითხვის საერთაშორისო დღე. მონაწილეობა მიიღო საბავშვო თეატრის მოყვარულთა წრემ (ხელ-ლი: ქ. ანდრიაძე) მოსწავლე-ახალგაზრდობის სახლი. მონაწილეობას იღებდა 24 გოგო და 11 ბიჭი.

მარტი - დედის დღისადმი მიძღვნილი აქტივობა „My Mum Is The Best“ მონაწილეობა მიიღო ინგლისური ენის წრემ (ხელ-ლი: თ. თუთბერიძე) მოსწავლე-ახალგაზრდობის სახლი. მონაწილეობას იღებდა 12 გოგო და 13 ბიჭი.

17 მარტი - „სამეგრელოს ღია ჩემპიონატი ტაეკვონდოში“ მონაწილეობა მიიღო ტაეკვონდოს წრემ (ხელ-ლი: ზ. სალუქვაძე) ქალაქი სენაკი. მონაწილეობას იღებდა 3 გოგო და 12 ბიჭი.

22 მარტი - წყლის რესურსების დაცვის საერთაშორისო დღესთან დაკავშირებით გაიმართა პრეზენტაცია. მონაწილეობა მიიღო ეკოლოგიის წრემ (ხელ-ლი: ც. ბერეკაშვილი) ქალაქი წყალტუბო სასტუმრო „პრომეთე“. მონაწილეობას იღებდა 17 გოგო და 6 ბიჭი.

28 მარტი - საგაზაფხულო ღონისძიება „გაზაფხული, დედა და სიყვარული“ მონაწილეობა მიიღო საბავშვო თეატრის მოყვარულთა წრემ, ვოკალის წრემ და ბალეტის წრემ. (ხელ-ლი: ქ. ანდრიაძე, ხ.ბუაძე, ნ.ცერცვაძე, ო. სვანაძე) მოსწავლე-ახალგაზრდობის სახლი. მონაწილეობას იღებდა 68 გოგო და 21- ბიჭი.

2 აპრილი - აუტიზმის შესახებ ცნობადობის ამაღლების დღე. მოსწავლე-ახალგაზრდობის სახლის ეკოლოგიის წრის (ხელ-ლი: ცირა ბერეკაშვილი) მოსწავლის, ლუკა ტყაბლაძის მიერ დამზადებული ბუკლეტი. მოსწავლე-ახალგაზრდობის სახლი. მონაწილეობას იღებდა 17 გოგო და 6 ბიჭი.

3 აპრილი - მოსწავლე-ახალგაზრდობის სახლის ხალხურ საკრავთა წრის (ხელ-ლი: თეიმურაზ თევზაძე) ანსამბლი „ნაკადული თავისი“ შემოქმედებითი პირველი საპრეზენტაციო პროგრამით წარსდგა მსმენელთა წინაშე. მოსწავლე-ახალგაზრდობის სახლი. მონაწილეობას იღებდა 18 გოგო და 11 ბიჭი.

4 აპრილი - მოსწავლე-ახალგაზრდობის სახლის ეკოლოგიის წრემ (ხელ-ლი: ცირა ბერეკაშვილი) წყლის რესურსების დაცვა და აუტიზმის შესახებ ცნობადობის გაზრდა. გაიმართა მორიგე კონფერენცია. მოსწავლეებმა პრეზენტაციები ორ ეტაპად წარმოადგინეს. მოსწავლე ახალგაზრდობის სახლი. მონაწილეობას იღებდა 17 გოგო და 6 ბიჭი.

3-13 აპრილი - ა/წ 3 აპრილიდან 13 აპრილის ჩათვლით ა(ა)იპ წყალტუბოს მუნიციპალიტეტი „ბავშვთა და ახალგაზრდობის ცენტრის“ მოსწავლე-ახალგაზრდობის სახლის ტაეკვონდოს წრე (ხელ-ლი: ზურაბ სალუქვაძე) ეწვია, ტაეკვონდოს ეროვნული ნაკრების იუნიორთა და კადეტთა ნაკრების სპორტსმენები, სადაც ტარდება ეროვნული ნაკრების საწვრთნელი გადამზადება. მოსწავლე-ახალგაზრდობის სახლი. მონაწილეობას იღებდა 9 გოგო და 14 ბიჭი.

12-14 აპრილი - 12 აპრილს საერთაშორისო ტურნირი ტაეკვონდოში (ხელ-ლი: ზურაბ სალუქვაძე) ოფიციალურად გაიხსნა და 14 აპრილს დაიხურა. ქუთაისის სპორტის სასახლე. მონაწილეობას იღებდა 9 გოგო და 14 ბიჭი.

16 აპრილი - წყალტუბოს მუნიციპალიტეტში ნიკო კეცხოველის ქუჩაზე ახალი სკვერი გაიხსნა, მოსწავლე - ახალგაზრდობის სახლის ვოკალის წრემ (ხელ-ლი: ხათუნა ბუაძე) კონცერტი გამართა. მონაწილეობას იღებდა 28 გოგო და 10 ბიჭი.

21 აპრილი - დედამიწის საერთაშორისო დღესთან დაკავშირებით (22აპრილი) მოსწავლე-ახალგაზრდობის სახლის, ეკოლოგიის წრის წევრებმა წრის ხელმძღვანელის, ცირა ბერეკაშვილის ორგანიზებით ლაშქრობა მოაწყო. წყალტუბოს ცენტრალური პარკი-თეთრა მღვიმე.

26 აპრილი - მოსწავლე-ახალგაზრდობის სახლის ეკოლოგიის წრის ბაზაზე, ეკოლოგიის წრის ხელმძღვანელის, ცირა ბერეკაშვილის ორგანიზებით სემინარი მოეწყო ორგანიზაციის GEO მიერ, გაეროს განვითარების პროგრამისა და გერმანიის მთავრობის მხარდაჭერით. სემინარის თემა: "გარემოსდაცვით მართლმსაჯულებაზე ხელმისაწვდომობა საქართველოში". მონაწილეობას იღებდა 17 გოგო და 6 ბიჭი. ბანაკის საგზურით დაჯილდოვდა ერეკლე გედენიძე.

2 მაისი - ხელმარჯვეთა წრის წევრების (ხელ-ლი: ტასო ხახნელიძე) ხელნაკეთი ნამუშევრების გამოფენა. მოსწავლე-ახალგაზრდობის სახლი. მონაწილეობას იღებდა 15 გოგო.

18 მაისი - სახალხო საერთაშორისო ფესტივალი „მოგზაურობა დროში“, მონაწილეობა მიიღო მოსწავლე-ახალგაზრდობის სახლის ხალხურ საკრავთა წრემ (ხელ-ლი: თეიმურაზ თევზაძე). ქ. ქუთაისი მესხიშვილის თეატრი. მონაწილეობას იღებდა 18 გოგო და 11 ბიჭი.

26 მაისი - პირველი დემოკრატიული რესპუბლიკის დაარსების დღესთან დაკავშირებით გაიმართა კონცერტი ს/დ „ივერიაში, სადაც მონაწილეობა მიიღო ვოკალის წრემ (ხელ-ლი: ხათუნა ბუაძე) და ხალხურ საკრავთა წრემ (ხელ-ლი: თეიმურაზ თევზაძე). მონაწილეობას იღებდა 45 გოგო და 21 ბიჭი.

21 მაისი - ინგლისური ენის წრეში (ხელ-ლი: თამთა თუთბერიძე) ჩატარდა ღია შემაჯამებელი საწრეო მეცადინეობა. მოსწავლე-ახალგაზრდობის სახლი. მონაწილეობას იღებდა 12 გოგო და 13 ბიჭი.

27 მაისი-მათემატიკის წრეში (ხელ-ლი: თორნიკე ჩიხლაძე) ჩატარდა ღია საწრეო შემაჯამებელი მეცადინეობა "ინტელექტუალური შეჯიბრი". მოსწავლე-ახალგაზრდობის სახლი. მონაწილეობას იღებდა 14 ბიჭი და 11 გოგო.

28 მაისი - ჭადრაკის წრეში (ხელ-ლი: ალექსო გოლეტიანი) ჩატარდა ღია საწრეო შემაჯამებელი მეცადინეობა. მოსწავლე- ახალგაზრდობის სახლი. მონაწილეობას იღებდა 4 გოგო და 11 ბიჭი.

28 მაისი - ქორეოგრაფიის წრეში (ხელ-ლი: სერგო ბაბაიანი) ჩატარდა ღია საწრეო შემაჯამებელი მეცადინეობა. მონაწილეობას იღებდა 22 ბიჭი.

1 ივნისი - ბავშვთა დაცვის საერთაშორისო დღესთან დაკავშირებით ჩატარდა თეატრალურ-მუსიკალური „მიუზიკლი „მოგზაურობა საჰაერო ბუმბით“. სადაც მონაწილეობა მიიღო: ბალეტის ხალხურ საკრავთა, ვოკალის წრეებმა (ხელ-ლი: ხათუნა ბუაძე, თეიმურაზ თევზაძე, ნათელა ცერცვაძე). მონაწილეობას იღებდა 68 გოგო და 22 ბიჭი.

4 ივნისი - ხელმარჯვეთა წრემ (ხელ-ლი: ტასო ხახნელიძე) ჩაატარა ღია საწრეო შემაჯამებელი მეცადინეობა, სადაც მოსწავლეებმა მოაწყვეს თავიანთი ნამუშევრების გამოფენა. მოსწავლე-ახალგაზრდობის სახლი. მონაწილეობას იღებდა 15 გოგო.

5-11 ივნისი - ქალაქ ქუთაისში, მაია ჩიბურდანიძის სახელობის ჭადრაკის სასპორტო სკოლაში გაიმართა იმერეთის ღია საკვალიფიკაციო ტურნირი, სადაც მონაწილეობა მიიღო ჭადრაკის წრემ. (ხელ-ლი: ალექო გოლეთიანი) მონაწილეობას იღებდა 4 გოგო და 5 ბიჭი.

13 ივნისი - სოფ. მაღლაკში გაიხსნა მერაბ კოსტავას ბიუსტი, რაშიც მონაწილეობა მიიღო საბავშვო თეატრის მოყვარულთა, ვოკალის და ხალხურ საკრავთა წრეებმა (ხელ-ლი: ქეთევან ანდრიაძე ხათუნა ბუაძე, თეიმურაზ თევზაძე). მონაწილეობას იღებდა 48 გოგო და 22 ბიჭი.

13 ივნისი - გიტარის წრის (ხელ-ლი: გოგიტა ნაოჭაშვილი) ღია საწრეო შემაჯამებელი მეცადინეობა. მონაწილეობას იღებდა 17 ბიჭი და 6 გოგო.

16 ივნისი - ქ. ბათუმში გამართა საერთაშორისო ფესტივალი „ჰარირა-2024“ აღნიშნულ ფესტივალში მონაწილეობა მიიღო ვოკალის წრემ (ხელ-ლი: ხათუნა ბუაძე). მონაწილეობას იღებდა 28 გოგო და 10 ბიჭი.

25-29 ივნისი - ქ. სტამბულში გაიმართა საერთაშორისო ფესტივალი „სტამბული 2024“ სადაც მონაწილეობა მიიღო ვოკალის წრემ (ხელ-ლი: ხათუნა ბუაძე). მონაწილეობას იღებდა 9 გოგო და 2 ბიჭი.

სამუსიკო სკოლა

სამუსიკო სკოლა მიზანმიმართულად ემსახურება განსაკუთრებული ნიჭით დაჯილოვებულ მოსწავლეთა აღზრდა-გამოვლენას. სამუსიკო სკოლაში მოსწავლე იღებს დაწყებით მუსიკალურ განათლებას, ვახდენთ მათ პოპულარიზაციას, რაც გამოიხატება მოსწავლეთა მონაწილეობით რესპუბლიკის მასშტაბით სხვადასხვა ფესტივალ-კონკურსებში.

2024 წლის I კვარტალი დაიწყო იანვრიდან, არდადეგების შემდეგ სწავლის პროცესი განახლდა ჩვეულ რეჟიმში.

სკოლაში ირიცხება 137 მოსწავლე, ფოლკლორულ ანსამბლში 36 მოსწავლე. აქედან გამოსაშვებ კლასში ირიცხებოდა 10 მოსწავლე, გამოცდების საფუძველზე სწავლა დაასრულა ათივე მოსწავლემ.

ჩატარდა კლასიდან კლასში გადასაყვანი გამოცდები, გამოცდა (სპეციალობაში და სოლფეჯიოში) საშემოდგომოდ გადაუვიდა 11 მოსწავლეს. სასწავლო წლის მეორე ნახევარში ჩატარდა გეგმიური შემდეგი ღონისძიებები:

7 მარტს გაიმართა ტრადიციული- ბიჭუნების კონცერტი, რომელშიც მონაწილეობა მიიღო 17 - მა ვაჟმა.

17 დან 21 მარტის ჩათვლით სამუსიკო სკოლაში გაიმართა ი.ს.ბახის სახელობის VII ეროვნული კონკურსი- კონკურსის ორგანიზატორი და ჟიურის წევრი გახლდათ ცნობილი პიანისტი ხელოვნების აკადემიის რექტორი ბატონი ვალერიან შიუკაშვილი. ჟიურის წევრები: პიანისტი- დუდანა მაზმანიშვილი, ჰობოი- ნოდარ მდივანი, სამუსიკო სკოლის მენეჯერი- მარინა კვერნაძე

კონკურსში მონაწილეობდა 94 მოსწავლე მთელი ქვეყნის მასშტაბით სამუსიკო სკოლებიდან. ჩვენი სკოლიდან მონაწილეობდა 14 მოსწავლე რომლებიც დაჯილდოვდნენ საპატიო დიპლომებით, I და II ადგილით.

I ადგილის მფლობელები გახდნენ:

ჩიხლაძე გიორგი II კლ ფ/პ (პედ: ქეთევან რატიანი) შვანგირაძე მარიამი VI კლ ფ/პ (პედ: ზეინაზ ავალიანი)

კაჭკაჭიშვილი ლუკა II კლ ვიოლინო (პედ: ნინო ვარძელაშვილი, კონცერტმასტერი- ნათია ტუკვაძე)

კონკურსი რომელიც პირველად ჩატარდა ქ.წყალტუბოში, განხორციელდა მუნიციპალიტეტის ადგილობრივი თვითმართველობის მხარდაჭერით, ორგანიზებულობა და მისი მაღალი დონე მნიშვნელოვნად განაპირობა „ბავშვთა და ახალგაზრდობის ცენტრის“ მმართველის ქალბატონი ნინო ხურციას ხელმძღვანელობით.

29 მარტს ქ.ქუთაისში მონაწილეობა მივიღეთ კლასიკური მუსიკის მე-17 ეროვნული კონკურს-ფესტივალში „მომავლის ვარსკვლავები“ (4 მონაწილე აქედან 1 ვაჟი და 3 გოგო)

კონკურსის I ტურში გაიმარჯვა და გალა კონცერტზე 21 აპრილს ქ.თბილისში წარსდგა I ადგილის მფლობელები: ლუკა კაჭკაჭიშვილი II კლ(ვიოლინო) და ანნა ჩიხლაძე II კლ (ვიოლინო) II ადგილი. (1 ვაჟი და 1 გოგო)

30 მარტს მონაწილეობა მივიღეთ ბავშვთა და მოზარდთა კლასიკური მუსიკის XVI რესპუბლიკურ ფესტივალ-კონკურსში „იპოვე შენი ვარსკვლავი“ (4 მონაწილე და ფოლკლორული ანსამბლი,, აისი სულ 26 ვაჟი და 11 გოგო)

გალა - კონცერტი გაიმართა 21 აპრილს თბილისის სახელმწიფო კონსერვატორიაში.

გრანპრით დაჯილდოვდა ფოლკლორული ანსამბლი „აისი“, ლაურეატობა პირველი საპრიზო ადგილი მოიპოვა- ემილი ქუთათელაძემ V კლ (პედ.დალი ბაკურაძე) ასევე, ლუკა კაჭკაჭიშვილმა და ანნა ჩიხლაძემ.(1 ვაჟი და 2 გოგო)

9 აპრილს ქ.ქუთაისში გაიმართა თეორიული კონფერენცია „თაობათა ცვლა“

სადაც პედაგოგ დარეჯან კოვზირიძის ხელმძღვანელობით მონაწილეობა მიიღო მეხუთე კლასის მოსწავლემ - ემილია ქუთათელაძემ, იგი დაჯილდოვდა დიპლომით.
წაკითხული იქნა თემა - რ.შუმანის საფორტეპიანო კრებული - „ალბომი ახალგაზრდობისთვის“(1 გოგო)

27 მაისს ქ.სენაკში მონაწილეობა მივიღეთ „სენაკის არტ-ფესტივალზე“ რომელსაც ხელმძღვანელობს ცნობილი პიანისტი ვალერიან შიუკაშვილი.

მონაწილეობდა 4 მოსწავლე, ლაურეატი გახდა კაჭკაჭიშვილი ლუკა II კლ (ვიოლინო) და დაუკრა 29 მაისს გალა კონცერტზე, სენაკის აკაკი ხორავას სახელობის სახელმწიფო დრამატულ თეატრში(1 ვაჟი)

28 მაისს ქ.ქუთაისში გაიმართა ახალგაზრდა მუსიკოს-შემსრულებელთა კონკურს-ფესტივალი „რონდო კლასიკა“ სადაც მონაწილეობდა სამუსიკო სკოლის ოთხი მოსწავლე, სამ

მონაწილეს გადაეცა ლაურეატის წოდება, ხოლო გალა კონცერტზე 14 ივნისს წარსდგა ერთ-ერთი ლაურეატი - მარიამ შვანგირაძე VI კლ (პედ: ზეინაზ ავალიანი) (1 ვაჟი და 3 გოგო)

4 ივნისს სამუსიკო სკოლაში ჩატარდა პირველკლასელთა პირველი კონცერტი, მასში მონაწილეობა მიიღო სამივე განყოფილების მოსწავლეებმა, მათი გამოსვლა პირველად სცენაზე წარმატებით შედგა. მიიღო მონაწილეობა 12 ვაჟმა და 38 გოგონამ.

13 ივნისს ფორტეპიანოს პედაგოგმა, ზეინაზ ავალიანმა ჩაატარა კლასის კონცერტი, სადაც გამოვლინდა პედაგოგის მიერ სასწავლო წლის მანძილზე გაწეული მუშაობა. მიიღო მონაწილეობა 1 ვაჟმა 7 გოგონამ.

18 ივნისს ქუთაისის აკაკი წერეთლის სახელობის უნივერსიტეტში ჩატარდა ფოლკლორული ანსამბლ „აისის“ საანგარიშო კონცერტი „იმერეთიდან აფხაზეთისკენ აჟღერებული ჰანგი“ მიიღო მონაწილეობა 26 ვაჟმა და 10 გოგომ.

19 ივნისს სკოლაში ჩატარდა VI კლასის გამოსაშვები კონცერტი. (2 ვაჟი და 8 გოგონა).

21 ივნისს ჩატარდა სკოლის აკადემიური კონცერტი, რომელშიც მონაწილეობდა 55 მოსწავლე. აქედან 33 ვაჟი, 22 გოგონა. ჩატარდა გეგმით გათვალისწინებული ორი დახურული კონცერტი. სულ ღონისძიებებში მონაწილეობდა 70 ვაჟი და 96 გოგონა.

სამხატვრო სკოლა

მოგახსენებთ, რომ სკოლამ თავისი არსებობის მანძილზე არაერთი ნიჭიერი თაობა აღზარდა. სკოლის აღზრდილები დღეს პროფესიონალი მხატვრები არიან და ეწევიან შემოქმედებით მუშაობას.

სკოლაში ირიცხებოდა 103 მოსწავლე. მათ პროფესიულ განათლებას აზიარებს 7 კვალიფიციური პედაგოგი. თითოეული მათგანი ეწევა აქტიურ შემოქმედებით მუშაობას და სათანადოდ ზრუნავს სასწავლო აღმზრდელობითი პროცესის სწორად წარმართვაზე. სამხატვრო სკოლა დაამთავრა 15-მა მოსწავლემ, დანარჩენი გადაყვანილი იქნა მომდევნო კლასში.

მოსწავლეები სამხატვრო სკოლაში ეუფლებიან ხელოვნების სხვადასხვა დარგებს: ხატვას, ფერწერას, კომპოზიციას, ქანდაკებას, დეკორატიულ კომპოზიციას და ხელოვნების ისტორიას.

სამხატვრო სკოლას აქვს ფონდები და საგამოფენო დარბაზები, რომელსაც ემსახურება 5 სპეციალისტი. მათ მიერ მუშავდება თემები გამოჩენილ მხატვართა „ცხოვრებისა და შემოქმედების“ შესახებ, რომელთაც თან ერთვის ნამუშევრების ექსპონირება ფართო ეკრანზე რეფერატის სახით. ამასთანავე ხდება ქ. წყალტუბოში მცხოვრებ რეწვის ოსტატთა მოძიება. ნამუშევრების შეგროვება და ფართო საზოგადოებისთვის წარდგენა პოპულარიზაცია.

სამხატვრო სკოლაში სისტემატიურად ტარდება საგაზაფხულო, საშემოდგომო და საშობაო გამოფენები. მათ შორის პერსონალური, თემატური და გასვლითი ღონისძიებები. სკოლის მოსწავლეები მონაწილეობას ღებულობენ უცხოეთში გამართულ გამოფენა-კონკურსებში.

2024 წლის 16 იანვარს საერთაშორისო ქრისტიანულ ორგანიზაციასთან თანამშრომლობით სამხატვრო სკოლის საგამოფენო დარბაზში მოეწყო საშობაო თემატური გამოფენა, სადაც მოხდა მოსწავლეთათვის საჩუქრების გადაცემა. ღონისძიებაში ჩართული იყო 90 მოსწავლე (78 გოგონა, 12 ვაჟი)

29 იანვარს სამხატვრო სკოლის სპეციალისტების მიერ მომზადდა თეორიული კონფერენცია „ირაკლი ოჩიაურის ცხოვრება და შემოქმედება“. ღონისძიებას ესწრებოდა 48 მოსწავლე (40 გოგონა, 8 ვაჟი)

15 თებერვალს სამხატვრო სკოლის მოსწავლეების (15 გოგონა, 3 ვაჟი) მიერ მოეწყო თემატური გამოფენა.

6 მარტს სამხატვრო სკოლის სპეციალისტების მიერ მომზადდა თეორიული კონფერენცია „ქართველი ქალი მხატვრები“. ღონისძიებას ესწრებოდა 43 მოსწავლე (35 გოგონა, 8 ვაჟი)

14 მარტს მოხდა წყალტუბოს მუნიციპალიტეტში 16 რეწვის ოსტატის ნამუშევრების მოძიება, ფოტო მასალის და ფესტივალში მონაწილეთა ანკეტების მოწესრიგება - გადაგზავნა საქართველოს ფოლკლორის ეროვნული ფესტივალის თაობაზე.

12 აპრილს სამხატვრო სკოლის 24 მოსწავლე (20 გოგონა, 4 ვაჟი) ჩაერთო გასვლით ღონისძიებაში „ასფალტზე ცარცით ხატვა“. მოხატა ქართული ანბანი, მონაწილეები დაჯილდოვდნენ სიგელებით.

17 აპრილს სამხატვრო სკოლაში ჩატარდა კონფერენცია „დედაენის დღესთან დაკავშირებით“, მოხსენება გააკეთა სამხატვრო სკოლის ბიბლიოთეკარმა თამარ ზურაბიანმა, ასევე წარმოდგენილი იქნა მოსწავლეთა კალიგრაფიული ნამუშევრების გამოფენა. ღონისძიებას ესწრებოდა 40 მოსწავლე (33 გოგონა, 7 ვაჟი)

23 აპრილი სამხატვრო სკოლის მოსწავლეებმა შეასრულეს თემატური ნამუშევრები „დედამიწის დღე“. (10 გოგონა, 4 ვაჟი)

20 მაისს სამხატვრო სკოლის პედაგოგმა მარიამ ჯიბუტმა მოსწავლეებს ჩაუტარა პრეზენტაცია „ეროვნული სამოსის დღესთან“ დაკავშირებით. (35 გოგონა, 7 ვაჟი) თავისუფალი მსმენელები.

31 მაისს მხატვრული შემოქმედების საერთაშორისო გამოფენა-კონკურსის სახელწოდებით „უნგენი და დამეგობრებული ქალაქები“ გაგზავნილი იქნა სამხატვრო სკოლის 7 მოსწავლის ფერწერული და გრაფიკული ნამუშევრები.

26 მაისს ივერიის შესასვლელში გაიმართა თემატური ნამუშევრების გამოფენა. (12 გოგონა, 3 ვაჟი), ასევე ჩართული იყვნენ რეწვის ოსტატები.

1 ივნისს სამხატვრო სკოლის მოსწავლეები ჩართული იყვნენ ქალაქის ღონისძიებაში ასფალტზე ცარცით ხატვა. ასევე თაბაშირის ფიგურების მოხატვაში. (10 გოგონა, 3 ვაჟი)

12 ივნისს სამხატვრო სკოლის საგამოფენო დარბაზში მოეწყო მოსწავლეთა შემაჯამებელი გამოფენა, ასევე მოხდა დამამთავრებელი კლასის სადიპლომო ნამუშევრების გამოფენა-შეჯამება. ღონისძიებას ესწრებოდა სამხატვრო სკოლის მოსწავლეები (80 გოგონა, 22 ვაჟი) და მოწვეული სტუმრები.

მოგახსენებთ, რომ 2024 წლის 6 თვეში დაზუსტებული ხარჯები იყო 489195 ლარი. ათვისებულია - 378786 ლარი და 97 თეთრი.

კერძოდ:


1. ხელფასები დამტკიცებულია - 330300 ლარი, ათვისებულია - 303470 ლარი და 61 თეთრი;
2. მივლინების ხარჯი დამტკიცებულია - 1500 ლარი, ათვისებულია - 420 ლარი;
3. საკანცელარიო ხარჯი დამტკიცებულია - 2700 ლარი, ათვისებულია - 542 ლარი და 75 თეთრი;
4. ნორმატიული აქტები დამტკიცებულია - 500 ლარი, ათვისებულია - 227 ლარი და 40 თეთრი;
5. მცირეფასიანი საოფისე ტექნიკის შეძენა დამტკიცებულია - 4740 ლარი, ათვისებულია - 299 ლარი ;
6. საოფისე ინვენტარის შეძენა დამტკიცებულია - 6800 ლარი, ათვისებულია - 5573 ლარი და 60 თეთრი;
7. ოფისის მასალების შეძენა დამტკიცებულია - 3310 ლარი, ათვისებულია - 1523 ლარი და 30 თეთრი;
8. შენობა - ნაგებობის და მათი მიმდინარე რემონტის ხარჯი - დამტკიცებულია - 43180 ლარი, ათვისებულია;
9. საოფისე ტექნიკის, ინვენტარის, მანქანა-დანადგარების მიმდინარე რემონტის ხარჯი დამტკიცებულია 900 ლარი, ათვისებულია;
10. კავშირგაბმულობის ხარჯი დამტკიცებულია - 2920 ლარი, ათვისებულია - 1918 ლარი და 20 თეთრი. დაიხარჯა ადგილობრივ ტელეფონზე, ინტერნეტზე და ჯეოსელის მომსახურებაზე;
11. საფოსტო მომსახურების ხარჯი დამტკიცებულია - 500 ლარი, ათვისებულია - 154 ლარი;
12. კომუნალური ხარჯები დამტკიცებულია - 13440 ლარი, ათვისებულია - 10441 ლარი და 38 თეთრი. დაიხარჯა ელ. ენერჯის და წყლის მომსახურებაზე.
13. წარმომადგენლობითი ხარჯები დამტკიცებულია - 6000 ლარი, ათვისებულია - 5045 ლარი და 33 თეთრი;
14. სამედიცინო ხარჯები დამტკიცებულია - 500 ლარი, ათვისებულია;
15. რბილი ინვენტარის, უნიფორმის შეძენის ხარჯი - დამტკიცებულია - 5425 ლარი, ათვისებულია - 2603 ლარი;
16. ტრანსპორტის დაქირავების ხარჯი დამტკიცებულია - 7000 ლარი, ათვისებულია - 4200 ლარი;
17. კადრების მომზადება-გადამზადებასთან, კვალიფიკაციის ასამაღლებელი ხარჯი დამტკიცებულია - 800 ლარი, ათვისებულია;
18. აუდიტორიული მომსახურების ხარჯი დამტკიცებულია - 2500 ლარი, ათვისებულია;

19. საარქივო მომსახურების ხარჯი დამტკიცებულია-4500 ლარი, ათვისებულია;
20. შენობა-ნაგებობების დაცვის ხარჯი დამტკიცებულია - 2200 ლარი, ათვისებულია- 1350 ლარი;
21. კულტურული ღონისძიებების ხარჯი დამტკიცებულია - 23800 ლარი, ათვისებულია 21136 ლარი;
22. ფინანსთა ასოციაციის საწევრო დამტკიცებულია-4000, ათვისებულია- 4000 ლარი;
23. ელექტრონული დოკუმენტების ხარჯი დამტკიცებულია -600 ლარი, ათვისებულია 410 ლარი და 40 თეთრი;
24. სხვადასხვა მასალების ხარჯი დამტკიცებულია 4000 ლარი, ათვისებულია- 1122 ლარი;
25. სახელმწიფო წესით შესრულებული სამუშაოები (ფიზიკური პირის მომსახურებით) დამტკიცებულია 1680 ლარი, ათვისებულია;
26. სოციალური უზრუნველყოფის ხარჯი დამტკიცებულია - 1000 ლარი, ათვისებულია;
27. არაფინანსური აქტივების ზრდა დამტკიცებულია 14400 ლარი, ათვისებულია - 14350 ლარი;

მომავალში „ბავშვთა და ახალგაზრდობის ცენტრის“ მთავარი საზრუნავი, კვლავ ბავშვებისა და ახალგაზრდების იდეური ფორმირება, მორალურ-ზნეობრივი სრულყოფა, სულიერი წრთობა, მათი ეროვნულ პატრიოტული სულისკვეთებით აღზრდა იქნება. მოსწავლე-ახალგაზრდობის მუსიკალური, სპორტული, სახვითი ხელოვნების ნიჭიერების უნარისა გამოვლენისა და განვითარებისათვის, მიზნადაა დასახული კიდევ უფრო მეტი შემეცნებითი ახალი ღონისძიებების მომზადება-ჩატარება, ახალი აქტივობების მიება და საადმინისტრაციო საქმიანობაში მათი პრაქტიკული დანერგვა სახელმწიფო საგრანტო ახალი პროექტების მომზადება.

მთავარ პრიორიტეტად კვლავ რჩება ინფრასტრუქტურის გაუმჯობესება და თანამედროვე ინვენტარით და ტექნიკით აღჭურვა, სამუსიკო და სამხატვრო სკოლების, მოსწავლე-ახალგაზრდობის სახლის სასწავლო-სამეცადინო ოთახების, სააქტო და საგამოფენო დარბაზების კეთილმოწყობა, რაც შესაძლებელს გახდის ჩვენმა ქალაქმა უმასპინძლოს სხვადასხვა საბავშვო ფესტივალებს და კონკურსებს. მოხდეს მეტ გაცვლით პროგრამებში ჩართულობა.

ა(ა)იპ „წყალტუბოს მუნიციპალიტეტის
ბავშვთა და ახალგაზრდობის ცენტრის“
მმართველი



ნინო ხურცია